



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

4 JUN 2021 (JUMAAT)



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE (KPDNHEP)

4 JUN 2021 (JUMAAT)

Sekatan pergerakan penuh

KPDNHEP tidak laksana Skim Harga Maksimum

Harga barang keperluan masih terkawal, bekalan cukup tampung keperluan rakyat

Oleh Baharom Bakar
bhnews@bh.com.my

Kuala Berang: Kementerian Perdagangan Dalam negeri dan Hal Ehwal Pengguna (KPDNHEP) tidak bercadang melaksanakan Skim Harga Maksimum sepanjang tempoh sekatan pergerakan penuh.

Timbalan Menteri, Datuk Rosol Wahid, berkata harga barang keperluan utama masih terkawal dan tiada kenaikan selepas kerajaan melaksanakan sekatan pergerakan penuh, mulai Selasa lalu.

Katanya, barang utama juga masih mencukupi untuk menampung keperluan rakyat.

"Skim Harga Maksimum hanya dilakukan pada musim perayaan bagi memastikan tiada kenaikan harga, terutama mem-



Rosol (kiri) ketika melawat Pusat Pemberian Vaksin COVID-19 di Ajil, semalam.

(Foto Baharom Bakar/BH)

babitkan barang keperluan utama.

"Setakat ini tiada keperluan untuk kerajaan meminda akta bagi membolehkan Skim Harga Maksimum diadakan sepanjang tempoh sekatan pergerakan penuh," katanya kepada media ketika melawat Pusat Pemberian Vaksin COVID-19, di Ajil, semalam.

Yang turut hadir, Pegawai Pe-

rubatan Pejabat Kesihatan Daerah Hulu Terengganu, Dr Nur Fauzani Md Arshad dan Pengerusi Panel Klinik Kesihatan Ajil, Mohd Pauzi Yusoff.

Rosol yang juga Ahli Parlimen Hulu Terengganu berkata, kerajaan tidak menerima laporan bekalan barang keperluan utama tidak mencukupi selepas pelaksanaan sekatan pergerakan penuh dan di beberapa negeri yang

melaksanakan Perintah Kawalan Pergerakan Diperketat (PKPD).

"Hasil tinjauan dilakukan pegawai dan anggota penguat kuasa KPDNHEP mendapati berlaku penurunan beberapa barang basah, termasuk ayam segar di pasaran.

"Pengguna diminta hanya membeli barang mengikut keperluan dan tidak melakukan pembelian secara panik," katanya.

Tidak perlu laksana SHM ketika fasa SPP

Kuala Berang: Kementerian Perdagangan Dalam Negeri dan Hal Ehwal Pengguna (KPDNHEP) tidak bercadang meminda akta bagi membolehkan pelaksanaan Skim Harga Maksimum (SHM) sepanjang tempoh sekatan pergerakan penuh (SPP).

Timbalan Menteri, Datuk Rosol Wahid berkata, harga barangan keperluan utama masih terkawal dan tidak kenaikan dilaporkan selepas kerajaan melaksanakan SPP bermula Selasa lalu.

"SHM hanya dilakukan pada musim perayaan bagi memastikan tiada kenaikan harga terutama membabitkan barangan keperluan utama.

"Setakat ini tiada keperluan untuk kerajaan meminda akta bagi membolehkan SHM diadakan se-

panjang tempoh SPP," katanya kepada media ketika melawat Pusat Suntikan Vaksin Covid-19 di dewan Sivik Ajil di sini, semalam.

Rosol yang juga Ahli Parlimen Hulu Terengganu berkata, kerajaan tidak menerima laporan berlaku kekurangan bekalan barangan keperluan utama di pasaran selepas pelaksanaan SPP di seluruh negara termasuk kawasan Perintah Kawalan Pergerakan Diperketatkan (PKPD).

"Hasil tinjauan dilakukan pegawai dan anggota penguat kuasa KPDNHEP mendapati berlaku penurunan berapa barangan basah termasuk ayam segar di pasaran.

"Pengguna diminta hanya membeli barangan mengikut keperluan dan tidak perlu melakukan pembelian panik," katanya.